

Gardavatnið, Veróna og Feneyjar

Létt útivistar- og skoðunarferð um páskana | 9. – 18. apríl | 10 dagar / 9 nætur



Fararstjóri: Brandur Jón Hrannarson Guðjónsson

Fáir staðir taka bænum Riva del Garda og nágrenni hans fram hvað feðurð og fjölbreytni varðar, og möguleikar þessa stórbrotna landslags við norður enda Gardavatnsins til hvers konar útivistar eru nánast óþrjótandi.

Þetta verður létt útivistarferð, gönguferðir flesta dagana, aðra farið í skoðunarferðir og einnig einfaldlega bara slakað á við vatnsbakkann!

Dvalið verður á Hótel Villa Miravalle, sérstæðu, þriggja stjörnu hóteli á mjög góðum stað í bænum, og þaðan farið í styttri og lengri ferðir, ýmist gangandi eða akandi, til þess að kynna vel þessu fallega svæði. Farið með strætó, „skutlurum“, kláfi eða ferjum eftir því sem að þarf til þess að fylla upp í dagskrá ferðarinnar.

Allar gönguleiðirnar eru léttar og nánast alltaf verður komið snemma til baka úr ferðum dagsins og því verður góður tími til þess að slappa vel af – úti á torgi, niður við bryggju, eða í garði hótelsins!

Í aðalhlutverki verður auðvitað fjölbreytt og fallegt landslagið, en Riva del Garda, Arco, Torbole, Nago, Limone sul Garda og Malcesine eru líka hver um sig fallegir bæir, um margt ólíkir, og um þá alla verður farið til að sjá kastala og kirkjur, garða og gróður, stræti og torg, báta og bryggjur.



1



Kringlan 7 | 103 Reykjavík | Sími 510 9500 | ferdir@fjallakofinn.is



Dagsferð til Sirmione, lítils en fallegs bæjar við suðurenda vatnsins og til borgarinnar Veróna, þar sem gengið verður um til að skoða m.a. 2.000 ára gamla hringleikahúsið (Arena), svalir Júlíu o.fl.

Sannkölluð rúsína í pylsuenda þessarar fjölbreyttu ferðar er svo dagsferð til Feneyja þar sem gengið verður um til þess að skoða þekkt kennileyti, siglt með gondóla o.fl.

Lágmarks fjöldi er 12 manns / hámark 20

= =



Gisting í sjö nætur og morgunverðir á litlu, þægilegu og mjög vel staðsettu þriggja stjörnu **hótel Villa Miravalle** í Riva del Garda. Heimasíða hótelsins: <https://www.hotelvillamiravalle.com/en>

= =



Gisting í tvær nætur og morgun- og kvöldverðir á flottu fjögurra stjörnu **Smart hótel Holiday** í Mestre, skammt frá Feneyjum. Heimasíða hótelsins: <https://www.hotelholidayvenice.com/gallery/>

= =

Ferðaráætlun:

Dagur 1 – laugardagur, 9. apríl

Flug – akstur – hótel

Flogið með **Icelandair** kl. 07:40 til Amsterdam, og áfram þaðan til Marco Polo flugvallar í nágrenni Feneyja. Landing þar er áætluð kl. 16:50 og þaðan er svo upb. 2 ½ klst. akstur yfir á hótelið í Riva del Garda.



Dagur 2 – sunnudagur, 10. apríl

Riva del Garda og Bastione

Farið verður frekar rólega af stað og gengið um gamla bæinn þveran og endilangan til þess að læra á helstu staði og stofnanir og aðrir staðhættir kannaðir.

Inni í þessu er auðvitað að rata í lyfjaverslunina, matvörubúðina, til ávaxta- og vínalanna, og síðast en ekki síst að vita hvar besta ísbúðin í bænum er. Þennan dag verður líka farið eftir góðum stíg upp í fjallið fyrir vestan bæinn, upp að virkinu Bastione, en þaðan sést vel yfir Riva.

Dagur 3 - mánudagur, 11. apríl

Virkið á Monte Brione

Gengið austur með vatni og farið upp í skeifulagaða höfðann Monte Brione, en þaðan sést vel yfir bæina Riva fyrir vestan og Torbole fyrir austan. Á höfðanum eru gömul hernaðarmannvirki sem að kíkt verður á, en síðan gengið niður aftur í gegnum ólívuræktunarlundi, og eftir matarhlé á góðum veitingastað við brekkurætur verður rölt heim á hótél aftur ...

Dagur 4 - þriðjudagur, 12. apríl

Nago-Torbole og ótrúleg saga

Byrjað verður á að fara með strætó yfir til Torbole og þaðan gengið efir gönguslóða upp til bæjarins Nago. Í skarðinu þar uppi verður ótrúleg saga svæðisins rifjuð upp og dáðst af dásamlegu útsýninu. Ef tími vinnst til verður einnig gengið að gömlum kastalarústum yst á klettabrún. Frá Nago verður gengin mjög flott útsýnisleið til baka niður til Torbole. Þar verður síðan val um að ganga heim á hótél eða taka strætóinn.

Dagur 5 - miðvikudagur, 13. apríl

Hamraveggirnir við Arco

Farið með strætó yfir til bæjarins Arco sem er í norð-austur frá Riva. Þar norðan við eru flottir hamraveggir sem að gaman er að skoða og gengið neðanundir þeim á góðum stígum inn að „rómversku brúnni“ við þorpið Ceniga. Þaðan aftur til baka aðra leið til Arco og eftir góða næringarstund farið með strætó aftur til Riva.

Undir kvöld verður farið í bíltúr inn að Toblino vatninu. Á veitingastaðnum í kastalanum við vatnið verður snæddur fallega framreiddur og bragðgóður kvöldverður (innifalið).

Dagur 6 - fimmtudagur, 14. apríl

Malcesine – Monte Baldo – Limone / kláfur og ferjur

Haldið af stað með strætó til Malcesine og þaðan farið með einum af flottari kláfum Evrópu upp á fjallið Monte Baldo. Þar verður gengið út á einn af bestu útsýnisstöðum við Gardavatnið til þess að sjá vel yfir mestallan norðurenda þess, en auk þess er ýmislegt forvitnilegt að sjá á fjallinu sjálfu. Niður aftur með kláfum og farið í göngu um gamla bæinn í Malcesine og kíkt inn í kastalann, áður en farið verður með ferju yfir til Limone. Sá fallegi bær skoðaður og kynnst sérkennilegum byggingum. Síðan farið með ferju upp til Riva aftur.

Sérstök og flott kvöldmáltíð þessa dags verður tekin á „Panem“, þar sem farið verður í matarlegt ferðalag um Ítalíu þvera og endilanga (innifalið).



Dagur 7 - föstudagur, 15. apríl

Strada del Ponale stígurinn

Eftir skutl með bíl upp í fjallið fyrir vestan Riva verður gengið niður eitt sérstakasta mannvirkið á svæðinu; gamla þjóðveginn Stada del Ponale, sem nú er eingöngu nýttur sem göngu- og hjólastígur fyrir útivistarfólk. Þarna gildir hið fornkeðna; „sjón er sögu ríkar“ því að það er magnað að fara þarna niður! Stoppað á góðum stað til þess að næra aðeins líkama og sál.

Glæsileg lokamáltíð Riva dvalarinnar verður tekin á „Al Volt“, einum af betri veitingastöðum svæðisins (innifalið).

Dagur 8 - laugardagur, 16. apríl

Sirmione, Veróna og fleira

Dagsferð, þar sem byrjað verður á að skoða nokkra fallega staði við suður enda Gardavatnsins; San Vigilio, sem er fallegur „landsendi“; Peschiera, en þar er útfallið úr vatninu; Sirmione, fallegur bær á mjóum tanga sem skagar inn í vatni að sunnanverðu; og svo gott stopp í borginni Veróna þar sem þau sem það vilja skoða gamla 2.000 ára gamalt hringleikahús, en síðan gengið að svölum Júlíu og þaðan áfram í góðan skoðunarhring um elsta hluta borgarinnar.

Þessari dagleið lýkur á Smart hótél Holiday í bænum Mestre, á fastalandinu, beint norður af Feneyjum. Kvöldverður á hótelinu (innifalinn).

Dagur 9 - sunnudagur, 17. apríl


Feneyjar!

Dagsferð til þessarar sérstöku borgar sem stendur meira og minna öll á staurum á 118 eyjum í Feneyjalónunum, nyrst í Adriaahafinu. Siglt verður með „strætó“ frá bílastæðinu inn að Markúsartorgi, aðaltorgi borgarinnar, og síðan farið í uppb. 2 klst. langa gönguferð með staðarleiðsögumanni. Og eftir skemmtilega gondóla- siglingu farið með strætó-báti aftur til rútunnar. Kvöldverður á hótelinu (innifalinn).

Dagur 10 – mánudagur, 18. apríl

Heim á leið

Löngu fyrir fyrsta hanagal verður farið með rútu út á flugvöll þar sem fyrri hluti heimferðarinnar hefst með flugi kl 6 til Amsterdam, og þaðan áfram til Íslands.



Þjónusta & verð

Innifalið í verði ferðar:	Flug og flugvalla-skattar	09.04.2022: Flogið með Icelandair til Amsterdam, FI 500, brottför 07:40 landing 12:55 með KLM til Feneyja, KL 1655, brottför 15:05 landing 16:50 18.04.2022: Flogið með KLM frá Feneyjum til Amsterdam, KL 1650, brottför 06:00 landing 07:50 með Icelandair til Íslands, FI 501 brottför 14:10 landing 15:25 Vinsaml. athugið að flugtímar geta breyst.	
	Gisting	Hótel Villa Miravalle í Riva del Garda í 7 nætur / Smart hotel Holiday í Mestre í 2 nætur	
	Matur	Morgunverðir	Innifaldir alla dagana
		Kvöldverðir	Innifaldir fimm kvöldverðir
	Akstur	Allur akstur sem þarf vegna dagskrárinnar	
	Annað	Dagsferð til Feneyja; akstur, siglingar með gondóla og farþegabátum, og leiðsögn heimamanns	
	Fararstjórn	Brandur Jón Hrannarson Guðjónsson	
Ekki innifalið:	Hádegishressingar / Fjórir kvöldverðir / Drykkir með kvöldverðum / Aðgangseyrir að söfnum o.þ.h. / Annað sem ekki er talið upp í „innifalið“		
Verð:	Verð á mann í tveggja manna herbergi	369.900,- staðgreitt	
	Aukagjald fyrir eins manns herbergi	50.000,- staðgreitt	
Greiðslur og gjalddagar:	Staðfestingargjald: Staðfestingargjald ISK 100.000 þarf að greiða við pöntun. Athugið að staðfestingargjald fæst ekki endurgreitt ef til afbókunar af hálfu viðskiptavinar kemur.		Lokagreiðsla: Lokagreiðsla þarf að berast í allra síðasta lagi föstudaginn 25. febrúar 2022

Ábendingar:

Lágmarks þátttaka er 12 manns. Ferðaskrifstofan Íslandsvinir áskilur sér rétt til að hætta við ferðina ef þátttaka er ekki næg, og mun þá endurgreiða að fullu.

Fjallakofinn-Ævintýraferðir / Ferðaskrifstofan Íslandsvinir og fararstjórar hennar áskilja sér allan rétt til að breyta áætlunum ferða ef veður, umferð og/eða ástand vega, eða aðrar ófyrirsjáanlegar aðstæður gefa tilefni til.

Forfallatrygging er ekki í boði í sérferðum ferðaskrifstofunnar. Í mörgum tilfellum er forfallatrygging innifalin í skilmálum greiðslukorta og/eða heimilis- og fjölskyldutrygginga fólks og er viðskiptavinum bent á að hafa samband við banka sinn eða tryggingarfélag til að kanna stöðu mála. Einnig er þátttakendum bent á að tryggja sig sérstaklega fyrir mögulegum óhöppum og slysum í ferð sem þessari.

Fjallakofinn-Ævintýraferðir / Íslandsvinir eru með skilmála sem unnið er eftir varðandi alferð sem þessa og lesa þarf hér:
<http://ferdir.fjallakofinn.is/is/page/skilmalar>



Skráning og frekari upplýsingar á <https://ferdir.fjallakofinn.is/is>, með því að senda tölvupóst á ferdir@fjallakofinn.is, og eins má hafa samband í gegnum Messenger á Facebook síðunni <https://www.facebook.com/islandsvinir/>
Farþegar í ferðum Fjallakofans-Ævintýraferða / Íslandsvina hf. fá sérkjör í **Fjallakofanum**

